


ХОРАЗМ САҲҲОФЛИК САНЪАТИ



doi 10.47267/2181-8207/2021/1-049



Машариб Абдуллаев,
санъатшунослик
фанлари
бўйича фалсафа
доктори (PhD),
Хоразм Маъмун
академияси
лойиҳа раҳбари

Хива шаҳрида
XIX аср бошида
18 нафар
кўнчи-саҳҳоф
бўлгани ҳақида
қайд этилган.
XX аср бошида
Хоразмда 300 дан
ортик кўнчилик
дўкони фаолият
юртган.
Хива, Ҳазорасп,
Хонқа ва Янги
Урганч шаҳарлари
Хоразмнинг йирик
кўнчилик
марказлари
ҳисобланган

The Khorezm sahhoflik (master of book covers) is one of the unique types of art, a special rise in the days of the Khiva Khanate. In Khorezm, colorful covers were made for manuscripts from various animal skins with floral and geometric patterns. Hundreds of handwritten works, «dressed» in those distant times in leather, are now kept in various museums and libraries around the world.

Keywords: Khiva khanate, applied arts, manuscripts, library, art tannery, sahhoflik, cover ornaments, patterns.

Хоразм амалий санъатининг илмий тадқиқ этилиши ҳақида очилмаган жиҳатлари ҳақида сўз юритилиши ҳам назарий, ҳам амалий аҳамиятга эгадир.

Таъкидлаш жоизки, Хоразм амалий санъатининг асосий йўналишлари, бадиий услуби, нақш тизими XVI асрдан то XX аср бошларигача шаклланиб борган. Шу билан бирга, тадқиқотлар давом эттирилиши бадиий услуб, нақш тизими бадиий хунармандчиликнинг ҳозирги пайтда йўқолиб кетган турларининг бадиий технологик услубларини, маҳаллий хусусиятларини тиклашда ва бойитишга методологик ва фактологик жиҳатдан имкон беради. Бу даврларда бадиий хунармандчиликнинг маҳаллий анъаналари ва марказлари шаклланган. Санъат сарой ва халқ амалий санъати йўналишларида ривожланган.¹

Бадиий кўнчилик, яъни терига ишлов бериш Хоразмда санъат даражасига кўтарилган. Хива хонлигида бадиий кўнчиликнинг этикдўзлик, пўстиндўзлик, чўғирмадўзлик, саҳҳофлик ва от анжомлари тайёрлайдиган соҳалари ривожланган. Тадқиқотчи С. Тўраеванинг диссертациясида «Таърифи Хоразм» қўлёзмасидан қуйидаги маълумот келтирилган: «Хоразм мамлакатида 60 ерда бозор бор.

... 20 минг музадўз (этикдўз), 6 минг кавушдўз дўкони, 1500 саррож (эгар-жабдуқ ясовчи) дўкони, 5 минг чармгар дўкони бор эрди».² Бу даврда Хоразмда терига ишлов бериш соҳалари юксак раванқ топган.

Демакки, «Ичан қалъа» давлат музей-қўриқхонасида сақланаётган буюмлар ҳам буни тасдиқлайди. Хоразмликлар Паҳлавон Маҳмудни кўнчиликнинг пири ҳисоблашади. Бу улуг авлиё кўнчиликнинг пўстиндўзлик тури билан шуғулланган.

Абулғози «Шажараи турк» асарида «зарбоф тошли, олтин тугмали қиш пўстини» дея, маълумот бергани ўша даврда бадиий кўнчиликнинг ривожланганидан далолат беради.³ Хива давлат ҳужжатларида сакиоби (кундуз териси), чакмон, эгар тузук асбоб (чармдан от анжоми), терлик (отнинг тўқими тагига солинадиган чарм), занги боғи, айл, қонжирга (тасма), жул ва робиа каби чармдан тайёрланган буюмлар келтирилади.⁴

Хива шаҳрида XIX аср бошида 18 нафар кўнчи-саҳҳоф бўлгани ҳақида қайд этилган.⁵ XX аср бошида Хоразмда 300 дан ортик кўнчилик дўкони фаолият юритган. Хива, Ҳазорасп, Хонқа ва Янги Урганч шаҳарлари Хоразмнинг йирик кўнчилик марказлари ҳисобланган. Ҳозирги вақтда чўғирмадўзлик касби

¹ Хақимов А. Искусство Узбекистана: история и современность. – Тошкент: San'at, 2010. – С.20.

² Тўраева С.Р. XVIII асрнинг иккинчи ярми – XIX асрнинг 70-йилларида Хива хонлиги хунармандчилиги тарихи: тар. фан. ном. дис. – Тошкент: ЎзР ФА Тарих инс., 2010. 28 варак.

³ Абулғози Баҳодирхон. Шажараи турк. – Тошкент: Чўлпон, 1992. – Б.148.

⁴ XIX аср Хива давлат ҳужжатлари (М.Й. Йўлдошев таҳрири остида). – II т. – Тошкент, 1960.

⁵ ЎзМДА И–125 жамғарма, 2-рўйхат. 32 йигма жилд; 79 йигма жилд, 14 варак.

билан Хивада Абдиримбой устанинг авлодлари шугулланади.⁶

Бадиий кўнчиликнинг яна бир муҳим соҳаси саҳҳофликдир. Қўлёзма асарлар дастлабки пайтларда чармга, кейинчалик махсус тайёрланган қалин қогозларга ёзилган. Қогозда ифода топган қўлёзмалар сифатли, узоқ сақланиши учун қалин чармдан ишланган муқова ичига жойлаштирилган. Қўлёзма ва тошбосма асарлар анча оғир бўлган. Китоб узоқ муддат сифатли сақланиши учун муқоваси қалин теридан ишланган, устига безак нақшлар туширилган. Нақшлар босма, чизма усулда, бошқа рангдаги терини тикиш ёки ёпиштириш орқали амалга оширилган. Саҳҳофликда ҳам бошқа соҳаларда бўлгани каби, «мадохил», «турунж», «айланма ислимий» нақшлари; гириҳлардан «учбурчак», «ромб», олти ва саккиз қиррали юлдузлар ишлатилган. Китобларни сақлаш учун чармдан ғилофлар тайёрланиб, муқова каби безатилган. Хива хонлигида муқовалар қизил, тўқ қизил, қора ранг қўй териси, малла ва оч маллага бўялган эчки терисидан ишланган.

Ислон даври муқоваларининг ўзига хос жиҳати чап жилди қопқоқ бўлиб беркилишидир. Қопқоқ китоб қалинлиги билан мос келувчи тўғри тўртбурчакли, муқованинг ўнг жилди устига ўтган бешбурчакли нақшли қисмдан ташкил топган. Муқованинг икки жилди атрофига чизикли хошиялар чизилган. Анча мураккаб бу хошиялар босма нақшли чизиклардан иборат. Баъзан муқова сирти икки-уч марта босма нақшли чизиклар билан айлантириб чиқилган. Саҳҳофнинг муқовага безак беришдаги маҳорати жилднинг керакли жойларига жимжима нуқталар, босма нақшли безаклар беришда намоён бўлган.

XVIII–XIX асрларда Ўрта Осиёда, жумладан, Хоразмда тайёрланган муқоваларнинг шакл безакларида «лола» тасвири, нақш орасида уста номи, қўлёзма кўчирилган сана битилган. Ўртада ўсимликсимон нақшларни ҳосил қилган «турунж» ҳам туширилган. Мухр икки хил бўлган: исмли ва нақшли.⁷

Хивада қўлёзмалар «илон», «қумъон», «қуш», «балиқ», тасвирлаб безатилган. Нақ-



қошликда ҳам айна тасвирлар қўлланган.⁸ Феруз даврида маданий ҳаёт жонланиб, кўплаб китоблар кўчирилиши натижасида муқовасозлик ривожланган. Китоб наشري учун махсус устахона фаолият юритган. Қогоз, бўёқ тайёрланган, музаҳхиблар зарҳал хошия ишлаган, хаттотлар нусха кўчирган, саҳҳофлар китобни чарм муқовага солиб, тайёр ҳолатга келтиришган. Устахонада ўнлаб моҳир ҳунармандлар ва хаттотлар ишлаган. «Хива қўлёзмаларининг бошқа жойларда тайёрланган қўлёзмалардан фарқли томони ташқи кўринишида. Китоблар салобатли нақш босилган қора чарм муқовалари билан ажралиб туради. Ўша даврда Ўрта Шарқда уларнинг монанди йўқ эди».⁹

1873 йилда Россия империяси Хивани босиб олганидан кейин олиб кетилган китоблар Хива сарой кутубхонаси нақадар бой бўлганини кўрсатади. 1908 йилда Хивага келган рус олими А.Самойлович Хон Ферузнинг Кўҳна Арқдаги кутубхонасида 550 қўлёзма сақланишини қайд қилган. Ўша даврда Хивада 54 та мадраса фаолият юритгани, ҳар бир мадрасада кутубхона, бозорларда махсус китоб расталари очилгани, Хоразмда XIX аср охири – XX аср бошида китобот санъати, жумладан, саҳҳофлик равнақ топганлигидан далолат беради.

Б.В.Лунин томонидан келтирилган рақамларга кўра, 1865–1917 йилларда Россия хази-наларига Ўрта Осиёдан 3000 дан ортиқ шарқ қўлёзмаси келиб тушган.¹⁰ 1874 йилда гене-рал-губернатор К.П.Кауфман Хивадан

Нақшлар босма, чизма усулда, бошқа рангдаги терини тикиш ёки ёпиштириш орқали амалга оширилган. Саҳҳофликда ҳам бошқа соҳаларда бўлгани каби, «мадохил», «турунж», «айланма ислимий» нақшлари; гириҳлардан «учбурчак», «ромб», олти ва саккиз қиррали юлдузлар ишлатилган. Китобларни сақлаш учун чармдан ғилофлар тайёрланиб, муқова каби безатилган

XVIII–XIX асрларда Ўрта Осиёда, жумладан, Хоразмда тайёрланган муқоваларнинг шакл безакларида «лола» тасвири, нақш орасида уста номи, қўлёзма кўчирилган сана битилган. Ўртада ўсимликсимон нақшларни ҳосил қилган «турунж» ҳам туширилган. Мухр икки хил бўлган: исмли ва нақшли

⁶ Бобожонов Д., Абдуллаев М. Хоразм амалий санъат усталари. – Хива: Хоразм Маъмун академияси, 2010. – 100 б.

⁷ Аллаева Н.А. Хива хонлиги ва Эрон ўртасидаги ўзаро алоқалар (XVI–XVIII асрлар): тар. фан. ном. дисс. – Тошкент: ЎзР ФА Тарих инс., 2007. 126-варақ.

⁸ Исмоилова Э.М. Искусство Среднеазиатской художественной книги XVIII–XIX веков. – Ташкент, 1979. – С. 60.; Матякубова М.М. XIX аср охири – XX аср бошларида Хива хонлигида китобот тарихи. ... – Б. 65.

¹⁰ Мустабид тузумнинг Ўзбекистон миллий бойликларини талаш сиёсати. Тарих шохидлиги ва сабоқлари (1865–1990 йиллар). – Тошкент: Шарқ, 2000. – Б. 336.



Тадқиқотда «Ичан қалъа» давлат музей-қўриқхонаси ва Хоразм Маъмун академияси фондларидаги китоблар муқоваларининг хусусиятлари санъатшунослик нуқтаи назаридан ўрганилган. Саҳҳофлик ишлари асосан XIX аср охири – XX аср бошига оид бўлиб, Феруз саройи вакилларининг асарлари, таржималарида ифода топган

олиб кетилган 329 та нодир ёдгорликни Эрмитажга тақдим этган.¹¹

Хоразмда яратилган юзлаб китоблар дунёнинг турли музей, кутубхона ва институтларида сақланмоқда. Россиянинг Шарқшунослик ва Қўлёзмалар институтлари, ЎзРФА Шарқшунослик институти, ЎзРФА Алишер Навоий номидаги Тил ва адабиёт музейи фондлари бу борада етакчилик қилади.

Тадқиқотда «Ичан қалъа» давлат музей-қўриқхонаси ва Хоразм Маъмун академияси фондларидаги китоблар муқоваларининг хусусиятлари санъатшунослик нуқтаи назаридан ўрганилган. Саҳҳофлик ишлари асосан XIX аср охири – XX аср бошига оид бўлиб, Феруз саройи вакилларининг асарлари, таржималарида ифода топган. Хоразмда Авазмухаммад, Муҳаммад Раҳим¹², Раҳмонберган Муҳаммад Раҳим, Мулла Қаландар Хўжаниёз, Бобожон маҳдум саҳҳофлар шуҳрат қозонган.¹³

Россия империяси даврида ўлкага капиталистик муносабатлар кириб келиши қўлда муқова ишлаш камайиб, фабрикада тайёр-

ланган муқовалар ишлатила бошланган. Лекин бутунлай қўлда муқова ишлаш камайган бўлсада, тўхтаб қолмаган. Саҳҳофлик XX аср биринчи чорагида ҳам бўлган.

Хулоса ўрнида айтиш мумкинки, Хива хонлиги даврида кутубхона ва китобот соҳаси тарққий этган. Тери муқовалар қўлёзмаларни сақланишида муҳим аҳамият эга бўлиши баробарида, бадиий безаклари билан эстетик жиҳатдан ҳам муҳим аҳамият касб этган.

Фойдаланилган адабиётлар:

1. Абулғози Баҳодирхон. *Шажараи турк*. – Тошкент: Чўлпон, 1992. – 160 б.
2. Аллаева Н.А. *Хива хонлиги ва Эрон ўртасидаги ўзаро алоқалар (XVI-XVIII асрлар): тар. фан. ном. дисс.* – Т.: ЎзРФА Тарих инс., 2007. 138 б.
3. Бобожонов Д., Абдуллаев М. *Хоразм амалий санъати усталари*. – Хива: Хоразм Маъмун академияси, 2010. – 100 б.
4. *XIX аср Хива давлат ҳужжатлари (М.Й. Йўлдошев таҳрири остида)*. – II т. – Тошкент, 1960.
5. Матякубова М.М. *XIX аср охири – XX аср бошларида Хива хонлигида китобот тарихи: Тар. ф. ном. дис.* – Т., ЎзР ОЎМТВ ЎЗМУ, 2008. – 184 б.
6. Исмоилова Э.М. *Искусство Среднеазиатской художественной книги XVIII–XIX веков*. – Ташкент, 1979. – С.60.
7. *Ичан қалъа. Каталог (Илмий муҳаррир А.Ҳакимов)*. – Тошкент, 2006.
8. *Мустабид тузумнинг Ўзбекистон миллий бойликларини талаш сиёсати. Тарих шоҳидлиги ва сабоқлари (1865–1990 йиллар)*. – Тошкент: «Шарқ», 2000.
9. Тўраева С. *XVIII асрнинг иккинчи ярми – XIX асрнинг 70-йилларида Хива хонлиги ҳунармандчилиги тарихи.: Тарих фан. ном. ... дисс.* – Т.: ЎзФА Тарих инс., 2010. – 150 вақ.

Машариб Абдуллаев – доктор философии по искусствоведческим наукам, руководитель проекта Хорезмской академии Маъмуна.

Хорезмский саххаф (мастер книжных обложек) – один из уникальных видов искусства, особый расцвет получил во времена Хивинского ханства. В Хорезме для рукописей делали красочные обложки из различных шкур животных с растительным и геометрическим орнаментом. Сотни рукописных произведений, «одетые» еще в те далекие времена в кожу, сегодня хранятся в различных музеях и библиотеках по всему миру. ■

¹¹ Мустабид тузумнинг Ўзбекистон миллий бойликларини талаш сиёсати. Тарих шоҳидлиги ва сабоқлари (1865–1990 йиллар). – Тошкент: «Шарқ», 2000. – Б. 347.

¹² Хива – минг гўмбаз шаҳри. – Тошкент: Шарқ, 1997.

¹³ Матякубова М.М. *XIX аср охири – XX аср бошларида Хива хонлигида китобот тарихи: Тар. фан. ном. дис.* – Тошкент, 2008. – Б.67.